



ANtonius ex illustri familia comitum in Stauffen natus est, anno circiter 1520. Cum is foelici ingenio insignis esset, parentum consilio operam literis dedit, atq; primis rudimentis intellectis, sese quoq; ad exterarum nationum cōtulit. Ibi artium & linguarum studia excoluit, & mediocrem rerum cognitionem sibi comparauit. Accedebat etiam uitæ integritas, & magna animi prudētia. Itaq; patre clarissimo uita functo in ditionis administratione successit, & talē sese exhibuit, ut omnibus subditis gratissimus esset. Cum autem Antonius literarū multiplicem usum præsertim in regionum gubernatoribus, cognouisset, filium quoq; suum optime spei a-

dolescentem literis instituendum præceptoribus commisit, atq; ingenij excolendi gratia in Galliam ad tempus ablegauit. Ipse uerò in auita regione Brisgauriæ etiamnum superest, atq; multis animi & corporis uirtutibus celebris agnoscitur, ut dignus sit, qui hoc loco magnis Germaniæ uiris adiiciatur. Anonymos.